



*Vlera të larta teorike - profesionale në një
shërbim që ofrohet me çiltërsi dhe fines.*

Raporti i transparencës 2023

FIN-EST

Përmbajtja

Kush jemi ne.....	2
Struktura funksionale dhe sistematizimi i stafit	3
Sistemi i kontrollit të cilësisë	3
Lista e njësive ekonomike me interes publik	4
Informacioni financiar	4
Deklarata e praktikave të pavarësisë të shoqërisë audituese	4

Kush jemi ne

Stafi ynë përbëhet nga Auditues ligjorë dhe kontabël të miratuar. Në përbërje të stafit ka anëtarë me formim të lartë profesional dhe teorik.

Kompania "FINES" mbështetet nga një staf vendor mjaft kompetent dhe i përkushtuar në punë.

Stafi i shoqërisë dhe bashkëpunëtorët përbëheshin si më poshtë:

Enkeleda Stefani – Auditues Ligjore, Licencuar nga IEKA-Instituti i Kontabilistëve Publikë të Certifikuar si Auditues Ligjor në vitin 2010 me Licence Nr 208

Ka marrë "Diplomën e avancuar të ACCA në Kontabilitet dhe Biznes" nga Association of Chartered Certified Accountants, në vitin 2021

Gerti Dajko – Kandidat për Audit Ligjor, i certifikuar si Kontabilist i Miratuar nga IEKA-Instituti i Kontabilistëve Publikë të Miratuar në vitin 2022.

Aishe Dedja – Kontabiliste /analiste financiare, e vlerësuar me titullin "Master Profesional në Kontabilitet" nga Fakulteti Ekonomik i Universitetit të Tiranës në vitin 2017. Rregjistruar si Studente e ACCA

Evelina Sota – Kontabiliste / Analiste financiare, e vlerësuar me titullin "Master shkencash në ekonomi dhe agrobiznes, profili i menaxhimit të agrobiznesit" nga Universiteti Bujqësor i Tiranës në vitin 2017.

Eva Basha – Kontabiliste/ Analiste financiare, asistent audituese dhe kontabiliste, e vlerësuar me titullin "Master shkencash në Kontabilitet dhe auditim" nga Fakulteti Ekonomik i Universitetit të Tiranës në vitin 2019.

Edvin Stefani Ph.D. – Këshilltar tatimor dhe analist financiar me një eksperiencë të gjerë si konsulent privat për tatimet, financat dhe kontabilitetin i njohur nga BERZH, USAID etj. Mbi 10 vite pedagog në fushën e taksave në universitete shtetërore dhe private. Ka marrë titullin Doktor i Shkencave në vitin 2006 në tatimin me temën "Diferencimi i TVSH-së" duke përdorur probabilitete stokastike. Autor i librave "Taksimi Normativ" (2018) dhe "Taksimi Pozitiv" (2020).

Misioni

Misioni ynë është të ofrojmë vlerë të shtuar, duke u angazhuar në ndershmëri, dedikim ndaj rritjes së vijueshme të cilësisë së shërbimeve, transparencë dhe përgjegjshmëri.

Vizioni

Vizioni ynë ka të bëjë me përafrimin me standardet më të mira profesionale duke u bërë një shembull për transparencën dhe duke synuar integritetin profesional dhe përgjegjshmërinë.

Strategjia

Trajnimi i vijueshëm profesional dhe angazhimi në një kulturë pune gjithë përfshirëse. Në shërbim të kësaj strategjie realizohet analizë periodike e risqeve të brendshme dhe të jashtme, duke u ndërmarrë njëkohësisht plan-veprime për përmirësim të vazhdueshëm.

FINES është një kompani shqiptare me qendër në Tiranë. Klientela e saj shtrihet në të gjithë Shqipërinë. Nuk ka degë dhe asociime. Fines ka partner angazhimi në punën audituese Zj. Enkeleda Stefani e cila është regjistruar në regjistrin kombëtar të IEKA me nr. regjistri 208.

Pronësia, Struktura funksionale dhe sistematizimi i stafit

Njësia zotëron personalitetin juridik të personit fizik. Ajo është krijuar në tetor 2007, në Tiranë. Adresa aktuale është Njësia Administrative, Nr.5, Rruga Vaso Pasha, Ndërtesa nr.22, Hyrja Nr.23, Apartamenti Nr.4. Kodi postar nr.1019, Tiranë.

Njësia ka Kodin e saj të Etikës, Rregullore të rekrutimit dhe e menaxhimit të personelit, rregullore të procedurave të auditimit, Rregullore për Parandalimin e Pastrimit të Parasë dhe Financimit të Terrorizimit, të botuara në faqen e saj të internetit.

Në thelb ofrohen tre shërbime. Ata janë auditimi, kontabiliteti dhe konsulenca ekonomike. Në përputhje me këto funksione kompania ka një strukturë të sheshtë dhe tre degë, secila për funksionin përkatës. Në shoqërinë tonë vlerësohen trajtimi i vijueshëm dhe aftësimi personal dhe njerëzor. Për këtë arsye zhvillohen trajtime periodike në fushën e auditimit, standardeve kombëtare dhe ndërkombëtare të kontabilitetit, si dhe në fushën e taksimit.

Sistemi i kontrollit të cilësisë

Sistemi bazohet në standardet ndërkombëtare të auditimit. Duke qenë një shoqëri e vogël kontrolli i cilësisë paraqet avantazhe në përfitimin e cilësive maksimale. Fin-es ka rregullore të brendshme dhe kod të etikës, rregullore të rekrutimit dhe menaxhimit të personelit, rregullore për parandalimin e pastrimit të parasë.

Sistemi synon sigurimin e cilësisë më të mirë duke vështuar maksimizimin e vijueshëm të saj. Në përputhje me këtë realizohet kontrolle periodike.

Sistemi i kontrollit dhe sigurimit të cilësisë përfshin politika dhe procedura që adresojnë përgjegjësitë e udhëheqjes për sistemin e kontrollit të cilësisë, kërkesat etike, pranimin e klientit, angazhimin dhe vazhdimësinë, burimet njerëzore, performancën e angazhimit dhe monitorimin.

Auditimi i njësive ekonomike me interes publik

Në vitin 2023 është realizuar auditimi i shoqërive me interes publik që është zhvilluar në bashkëpunim me shoqërinë e auditimit Kreston Albania. Kjo ka siguruar një cilësi në përputhje me kërkesat e kuadrit rregullator.

Informacioni financiar

në mijë lekë		
	2023	2022
Auditim ligjor i njësive me interes publik	699	761
Auditim ligjor i njësive jo me interes publik	2,820	2,229
Të tjera	3,963	3,627
Totali	7,482	6,617

Në vitin 2023 nuk është angazhuar ortak angazhimi tjetër përveç Zj. Enkeleda Stefani

Deklarata e praktikave të pavarësisë të shoqërisë audituese

Stafi drejtues i FINES është i ndërgjegjshëm se cilësia në shërbimin e auditimit përbën një limit, i cili kërkon përpjekje të vazhdueshme. Në përputhje me këtë qasje është ngritur procedurë për sigurimin dhe kontrollin e cilësisë e cila është bërë dhe pjesë e rregulloreve të brendshme. Gjithashtu janë zhvilluar kontrole periodike të vetëvlerësimit.

Duke marrë të gjithë këto evidenca së bashku, drejtuesit e FINES konfirmojnë me një shkallë sigurie të arsyeshme se sistemet e kontrollit të cilësisë janë realizuar efektivisht për vitin e mbyllur më 31 dhjetor 2023.

Gjithashtu është realizuar një regjistrim i risqeve me të cilat përballet shoqëria dhe janë ndërtuar plan veprimet për përmirësim të gjendjes.